



Hoërskool Marais Viljoen

Marais Viljoen High School

P/Sak/Bag X011, Alberton, 1450
h/v/c/o Bodmin & Cradock St, Alberton, 1449
www.maraisviljoen.co.za GPS: S26°16.643' E28°07.972'
(T): 011 907 9013/4 (F): 011 907 1038



16 Januarie 2023

Geagte Ouers / Voogde

OMSENDSKRYWE 1 (2023)

Baie welkom terug aan al ons ouers na afloop van die vakansie. Ons sien uit na 'n jaar waarin die skool, met u ondersteuning en gebed, voort sal gaan om net die beste vir u kind te bied.

Die Departement het Dr. Johlet Krause, ons Akademiese Adjunkhoof, as waarnemende hoof aangestel. Ons weet die skool is in bekwame hande en wens Dr. Krause sterkte toe vir die termyn. Ons vertrou dat die finale aanstelling van Marais Viljoen se nuwe hoof binnekort sal geskied.

1. WELKOM BY DIE MARAIS VILJOEN FAMILIE

'n Spesiale woord van welkom aan al ons nuwe leerders en hulle ouers/voogde. Ons vertrou dat u en u kind vinnig u voete sal vind en baie gelukkig by Marais Viljoen sal wees.

NUWE ONDERWYSERS

Aan die begin van die nuwe jaar het ons ook die voorreg om nuwe onderwysers welkom te heet, naamlik: Mme. Karla Dippenaar, Charlene Sinden, Rochelle Smith, Riandri Venter, Natalie van der Merwe, Zonica Wallace and Mr Eben du Toit.

Ons wens hierdie nuwe personeeldele 'n baie gelukkige en lang verbintenis met Marais Viljoen toe.

2.1. VRYWARINGS- / TOESTEMMINGSVORM

U kind het alreeds die bogenoemde vorm ontvang. Die vorms moet asseblief deur **alle** ouers voltooi word. Dit sal gebruik word vir die volgende:

Vervoer van u kind wanneer gebruik gemaak word van skoolvervoer. Dit sluit alle vervoer na sportbyeenkomste en ander uitstappies in.

Die vrywaringsvorm sal ook geld vir kampe en toere wat u kind mag bywoon en onderneem.

Toestemming om 'n aktiwiteit te beoefen.

Neem asseblief kennis dat geen leerder toegelaat sal word om bogenoemde mee te maak indien genoemde vorm nie deur u geteken en ingehandig is nie.

2.2. BOELIEBELEID EN DWELMBELEID

U kind het ook die bogenoemde vorms ontvang. U moet kennis dra van die inligting wat daarin vervat is. Die vorms moet asseblief ook geteken en sonder versuim teruggestuur word.

3. AFWESIGHEID

'n Leerder wat afwesig was, moet onmiddellik nadat hy/sy terugkeer skool toe 'n brief, wat deur een van die ouers geskryf en geteken is, by die voogonderwyser inhandig. Indien 'n leerder tydens 'n toets/ eksamen/ SBA afwesig is, moet 'n mediese sertifikaat die dag wanneer hy/sy terugkom, by kamer 20 ingehandig word. Indien nie, sal 'n nul aan die betrokke assessering toegeken word. Indien 'n leerder afwesig is, is dit sy/haar eie verantwoordelikheid om die werk in te haal.

4. SKOOLGELD 2023

Ter wille van ons "nuwe" ouers wat nie die inligting ten opsigte van skoolgeld vir 2023 gekry het nie, verskaf ons weer die inligting.

SKOOLGELD

Ons algemene begrotingsvergadering het gedurende November plaasgevind.

Die Voorsitter van die finansiële komitee van die Beheerliggaam (BL), mnr. E. Bailey, het namens die BL die begroting vir 2023 aan die ouers voorgelê. Die skoolgeld vir 2023 is deur die ouers wat teenwoordig was, aanvaar.

Die totale skoolgeld (eerste betaling ingesluit) vir 2023 is vasgestel op R33 680.00.

Die resolusie vir 2023 is beskikbaar op die volgende skakel:

<https://maraisviljoen.co.za/finansies-finance/>

Skoolgeld met korting

'n Korting (afslag op skoolgeld) is van toepassing indien u van een van die volgende twee opsies gebruik maak:

Skoolfonds word teen 31 Maart 2023 ten volle betaal. In hierdie geval word daar afslag van R 2 320.00 gegee.

OF

Afslag van R2 133 geld indien u u **debitkaart** op die Debi-Check sisteem "swipe" voor 31 Januarie 2023.

Die eerste betaling van R3 200 was betaalbaar teen **07 Desember 2022** deur alle leerders ongeag afslag, subsidies, beurse of betaalopsies.

Opsie 1: Eenmalige betaling

Indien u voor of op 31 Maart 2023 betaal (kontant, EFT of kredietkaart):

Totale bedrag skoolgeld vir 2023	R33 680
----------------------------------	---------

Eerste betaling (betaalbaar voor of op 7 Desember 2022)	R 3 200
---	---------

Balans betaalbaar voor 31 Maart 2023	R28 160
--------------------------------------	---------

Minus korting	R 2 320
----------------------	----------------

TOTAAL	R31 360
---------------	----------------

Opsie 2: Betaling deur middel van DEBI-CHECK debietorder:

Totale skoulgeld in 2023	R 33 680
Eerste betaling (betaalbaar voor of op 7 Desember 2022)	R 3 200
Minus korting	R 2 133
Vaste debietorder per maand oor 11 maande Jan.– Nov. 2023	<u>R 2 577</u>
TOTAAL (In plaas van R33 680)	R31 547

Neem asseblief kennis dat indien u debietorder as onbetaald terugkom, verbeur u die korting.

L.W. Indien u gedurende verlede jaar (2022) van die DEBI-CHECK stelsel gebruik gemaak het, moet u **weer** u kaart by die skool kom "swipe".

Skoolgeld indien u nie van opsie 1 of 2 gebruik maak nie

Eerste betaling (betaalbaar voor of op 7 Desember 2022)	R 3 200
'n Maandelikse bedrag oor 12 maande per maand	R 2 540
SUB-TOTAAL oor 12 maande	<u>R30 480</u>
Totale skoulgeld vir 2023	R33 680

U kan betaal deur middel van elektroniese oorplasing, kontant, kredietkaart of debietkaart.

AANSOEK OM SUBSIDIE

Alle ouers word hiermee amptelik in kennis gestel dat ouers wat kwalifiseer vir afslag of vrystelling van skoulgeld, **jaarliks** skriftelike aansoek moet doen deur middel van 'n aansoekvorm wat by die skool beskikbaar is. Die vorm moet voor of op **28 Februarie 2023** teruggestuur word. Sien die resolusie vir die kriteria op ons webwerf.

Die finansiële kantoorure vir 2023 gedurende skoolkwartale:

07:00-14:15 Maandag-Vrydag

Bankbesonderhede:

Marais Viljoen High School/Technical High School

ABSA

Tjekrekening : 210-510-990

Alberton Takkode : 631142

Verwysing : Leerder naam en van, rekeningnommer, aksie
(bv. skoolfonds, netbal, etc.)

Aansoeke om subsidie sluit op 28 Februarie 2023.

Ouers moet asseblief kennis neem dat ons skool skoulgeld hef en invorder, en dat ons dus streng volgens die begroting funksioneer.

SKOOLGELD 2022 EN EERSTE BETALING 2023

Baie dankie aan die talle ouers wat 2022 se skoulgeld op datum afgesluit het. Ons doen 'n beroep op ouers wie se skoulgeld agterstallig is, om hul plig na te kom en 'n reëling te kom tref by die finansiële kantoor. 'n Beroep word op ouers gedoen wat nog nie die eerste betaling van R3 200-00 betaal het nie, om dit sonder versuim te doen.

5. NASKOOLSENTRUM

Ouers word uitgenooi om gebruik te maak van die naskoolsentrum wat by die skool bedryf word.

Die naskoolsentrum maak van K30 en 31 gebruik. Die tye is soos volg:

Maandae tot Vrydae – vanaf na-skool tot 18:00

Vir verdere inligting, kontak gerus vir Christelle Dévies by 082 785 9168 of e-pos christelle@maraisviljoen.co.za.

6. SKOOLURE

Ter wille van alle nuwe ouers wil ons u graag inlig oor ons skoolure. Die skool begin om 07:30 in dieoggend en sluit elke dag om 14:00.

Neem asseblief kennis dat die Seegerhek om 07:30 sluit. Indien u kind na 07:30 by die skool arriveer, moet hy/sy by die hoofhek ingaan.

7. WAG-AREA

Leerders wat nie by enige skoolatiwiteite na 14:00 betrokke is nie, mag slegs by die wag-area by die Seegerhek vir hulle vervoer wag.

8. D6-CONNECT

D6-Connect is ons kommunikasietoep wat ons gebruik om met u as ouer te kommunikeer. Maak asseblief seker dat u op die **D6-Connect** toepassing (swart agtergrond) registreer en **nie** die D6-Communicator **nie**. Verwys asseblief na bladsy 12 in die dagboek vir die prosedure om die toepassing af te laai.

9. INSPEKSIE

Leerders wie se voorkoms nie volgens die skoolreëls is nie, sal tydens inspeksie hierdie week strafpunte ontvang. Dankie dat ons op u kan staatmaak dat u kind netjies en volgens die skoolreëls skool toe kom.

10. MAANDAE ONDERSTEUNINGSKLASSE

Ondersteunersklasse is vir Maandae 14:14 tot 15:15 geskeduleer. Dit neem op 30 January 2023 'n aanvang. Hierdie klasse gee die leerders die geleentheid om hulle vakonderwysers vir addisionele hulp te besoek.

11. GRAAD 8-KONSERT

Me Vanessa Prinsloo en die Bestuurspan is reeds hard aan die werk met ons graad 8's. Ons is elke jaar verbaas om te sien wat binne 'n week se tyd met die groentjies op die verhoog vermag kan word.

Die konsert is op die volgende datums op die planke:

Maandag tot Donderdag: 23, 24, 25 en 26 Januarie 2023 om 19:00

Graad 8 leerders bestel en betaal kaartjies by hulle voogonderwysers.

Graad 9-12 leerders kan kaartjies by die finansiële kantoor koop.

Geen sitplekke word toegeken nie.

Die koste is R70 per persoon.

12. HPM TOETSING VIR GRAAD 9'S

Die toetse word vir die Afrikaanse leerders op Donderdag 19 Januarie 2023 tydens skoolure afgeneem. Graad 9-ouers het reeds in Desember 2022 die inligting ontvang.

Indien u kind se skeurstrokie nog nie by sy/haar voogonderwyser ingehandig is nie, vra ons dat dit dringend gedoen word. Leerders mag nie die toetsing aflê sonder die toestemming van die skeurstrokie nie.

13. OUER-BIDGROEP

Marais Viljoen-ouers ondersteun ons op alle terreine. Indien u wil deel word van die groepie ouers wat weekliks vir die skool, die leerders en die personeel bid, kan u gerus u naam, van en kontaknommer e-pos na elanzav@maraisviljoen.co.za.

Vriendelike groete



**DR. JOHLET KRAUSE
WAARNEMENDE SKOOLHOOF**

LEIER IN VOLLEDIGE OPVOEDING

